

VI. ANUNCIOS**A) ADMINISTRACIÓN AUTONÓMICA****AXENCIA GALEGA DE INFRAESTRUTURAS**

ANUNCIO do 10 de xullo de 2018 polo que se somete ao trámite de información pública o documento básico de mellora e integración paisaxística das entradas dos Camiños de Santiago en Santiago de Compostela. Ámbito Camiño Francés-Monte do Gozo, de clave AC/17/012.10.1, así como a relación individual de bens, dereitos e propietarios afectados polo proxecto referenciado.

Antecedentes.

Con data do 15 de febreiro de 2017 a Consellería de Infraestruturas e Vivenda, a Consellería de Cultura, Educación e Ordenación Universitaria, a Axencia Turismo de Galicia, a Axencia Galega de Infraestruturas e o Concello de Santiago de Compostela asinaron un protocolo de colaboración para a mellora e integración paisaxística das entradas dos Camiños de Santiago, en Santiago de Compostela.

Das partes asinantes do protocolo, a Axencia Galega de Infraestruturas, adscrita á Consellería de Infraestruturas e Vivenda, encargárase da execución material dos traballos que lle correspondan á Xunta de Galicia, de acordo co establecido no artigo 1 do Decreto 173/2011, do 4 de agosto, polo que se aproba o estatuto da Axencia Galega de Infraestruturas; e de acordo con encargo recibido o pasado mes de abril do 2017, adxudicáronse os traballos de redacción dos proxectos de construción, así como o control e vixilancia das obras de mellora e integración paisaxística das entradas dos Camiños de Santiago en Santiago de Compostela, de clave AC/17/012.10, que se desenvolverá en diferentes fases e cuxo obxecto é buscar unha visión integral do Camiño de Santiago como fenómeno patrimonial, cultural e territorial único, independentemente dos diferentes itinerarios que conflúen no centro histórico compostelano: o Camiño Inglés, o Camiño Francés, o Camiño da Vía da Prata, o Camiño Portugués e o Camiño de Fisterra.

Este proxecto ten como finalidade acadar unha imaxe identitaria internacional común ao longo do Camiño, concretamente para mellorar a integración do peregrino na entrada da cidade de Santiago de Compostela, facilitando a dita percepción e diminuindo a tensión de tráfico sobre o Camiño, así como favorecendo a mobilidade peonil nesta área ao priorizar o peregrino sobre o tráfico rodado.

CVE-DOG: zay6cu63-0bp3-zui3-fnn2-kdt20bsde107



Froito de todo isto, elabórase o documento básico de mellora e integración paisaxística das entradas dos Camiños de Santiago en Santiago de Compostela. Ámbito Camiño Francés-Monte do Gozo, de clave AC/17/012.10.1, cuxo obxecto é reordenar o itinerario do Camiño de Santiago ao seu paso polo Monte do Gozo ata o paso da N-634 sobre a AP-9, mellorando a visual do peregrino ao longo da traza do camiño e reducindo o tránsito de vehículos. Tamén cabe destacar a grande importancia que a dita actuación terá para os veciños do lugar.

As principais actuacións que se levarán a cabo serán:

- Ordenación e humanización das seccións viarias.
- Definición de elementos como pavimentos, mobiliarios, etc.
- Reordenación de espazos públicos.

Por último, o artigo 80 da Lei 5/2016, do 4 de maio, do patrimonio cultural de Galicia (DOG do 16 de maio) determina que a aprobación da delimitación dos Camiños de Santiago levará implícita a declaración de interese social e a de necesidade de ocupación dos bens e adquisición de dereitos para os fins de expropiación forzosa, de ocupación temporal ou de imposición ou modificación de servidumes tanto dos tramos necesarios para a funcionalidade da traza coma dos bens localizados no seu ámbito delimitado necesarios para a conservación, protección ou servizo do Camiño.

Considerando todo o exposto e o establecido na normativa vixente,

RESOLVO:

Primeiro. Declarar, de acordo co artigo 80 la Lei 5/2016, do patrimonio cultural de Galicia, de interese social, e a de necesidade de ocupación dos bens e adquisición de dereitos recollidos no documento básico de mellora e integración paisaxística das entradas dos Camiños de Santiago en Santiago de Compostela. Ámbito Camiño Francés-Monte do Gozo, de clave AC/17/012.10.1.

Segundo. Sométese ao trámite de información pública, para os efectos previstos nos artigos 18 e seguintes da Lei do 16 de decembro de 1954, de expropiación forzosa, e os concordantes do seu regulamento, a relación de bens e dereitos necesarios para a execución do documento básico de mellora e integración paisaxística das entradas dos Camiños de Santiago en Santiago de Compostela. Ámbito Camiño Francés-Monte do Gozo, por un

CVE-DOG: zay6cu63-0bp3-zui3-fnn2-kdf20bsdei07



período de vinte (20) días hábiles, contados a partir do seguinte ao de publicación deste anuncio no *Diario Oficial de Galicia*, para que os afectados presenten cantas alegacións ou rectificacións consideren convenientes en canto aos bens e dereitos descritos na relación anexa.

Terceiro. A exposición ao público, para os efectos da presente resolución, realízase na Axencia Galega de Infraestruturas (San Caetano, s/n, 15781 Santiago de Compostela), no Servizo de Infraestruturas da Coruña (rúa Vicente Ferrer, 2, 15008 A Coruña), na Casa do Concello de Santiago de Compostela (Pazo de Raxoi-Praza do Obradoiro, 15705 Santiago de Compostela). Así mesmo, na páxina web da Consellería de Infraestruturas e Vivenda (http://civ.xunta.gal/organizacion/c/CIV_Axencia_Galega_de_Infraestruturas) atópase á disposición dos interesados o documento básico completo.

Santiago Compostela, 10 de xullo de 2018

Francisco Menéndez Iglesias
Director da Axencia Galega de Infraestruturas

ANEXO Relación de bens, dereitos e propietarios afectados

Mellora e integración paisaxística das entradas dos Camiños de Santiago en Santiago de Compostela.

Ámbito: Camiño Francés-Monte do Gozo.

Clave AC/17/012.10.1.

Concello de Santiago de Compostela.

Nº	Ref. catastral	Titular	Tipo	Situación do solo	Cultivo/uso	Superficie expropiación (m²)
1	15079A50705010	En investigación, artigo 47 da Lei 33/2003	Rústico	Zona verde	Labor ou labradío secaño	3.659
2	001102900NH44G	Quintela Carnota, Manuel (herdeiros de)	Urbana	Ordenanza núm. 6	Labor ou labradío secaño	21
3	001103000NH44G	Mosquera Fernández, Antonio	Urbana	Ordenanza núm. 6	Labor ou labradío secaño	23
4	001103300NH44G	Galante Pereira, Germán e Mosquera Fernández, María	Urbana	Ordenanza núm. 6	Labor ou labradío secaño	19

CVE-DOG: zay6cu63-0bp3-zui3-fhn2-kdt20bsdei07



Nº	Ref. catastral	Titular	Tipo	Situación do solo	Cultivo/uso	Superficie expropiación (m²)
5	15079A50701177	Otero Ramos, Mª Fernanda e Lidia Isabel	Rústico	Protección paisaxística	Labor ou labradío secaño	263
6	15079A50700865	Otero Ramos, Manuel	Rústico	Protección paisaxística	Labor ou labradío secaño	717

